



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

學校名稱 : 博愛醫院鄧佩瓊紀念中學
Name of School : P.O.H. TANG PUI KING MEMORIAL COLLEGE
劇名 Name of Play : 選舉風雲
劇作者 Script writer : 江明心、集體創作

故事大綱 Synopsis :

兩個好友組隊參選學生會，卻由合作變成拆伙，究竟勝負和友情，哪一方才更重要呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

(操場)

彤： 呀！我個黑眼圈呀！

Carman： 嘩，你個黑眼圈搞咩呀，尋晚做賊呀。

彤： 做功課囉，一陣娜姐話要邊份，都可以擺俾佢抄呀嘛。

Jasmine： 發夢啦你！抄都抄我個份啦。

彤： 梗係我個份啦！

(打交)

Carman： 做咩你哋今日咁積極架？

Jasmine： 你冇睇 IG 咩？

Carman： 冇呀

Jasmine、彤： 唔係呀嘛！

Jasmine： 娜姐屋企間 café 今日開張。

Carman： 吓！

彤： 頭十位顧客，可以免費食佢哋最出名嘅甜品。

Carman： 吓！

Jasmine： 百幾蚊一份架！

Carman： 點解我會 miss 咗呢 D 嘢架？

(娜姐入)

Jasmine： (大聲) 娜姐！

眾同學： 娜姐！

眾女同學： 你想要咩功課呀？ / 我借比你吖 / 你抄我個份啦。

娜姐： (大喝) STOP！(溫柔)你地冷靜 D，我對抄功課係好有要求架，唔認真、水準低、字體草率、平均分擺唔到 A 或以上既功課，我係唔會---「抄」架！

(心和嘉盈入，成成即變臉)

娜姐： good morning 呀。阿盈，送俾你嘅！

嘉盈： 做咩無端端送嘢俾我呀？

娜姐： 見到靚，咪送俾你囉！

嘉盈： 得喇得喇，你想要邊份功課呀？

娜姐： 我想要 maths project，我老豆話我今次一定要擺到 B+ 以上架。如果唔係，一個星期冇零



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

用錢架。

(嘉盈將功課拿出來)

嘉盈： B+呀嘛，咁你唔好抄咁足呀，上次差啲俾老師捉到呀。

娜姐： 無問題啦，轉頭俾返你。(娜姐走)

眾女： 娜姐，我都有呢份功課架！

(眾女跟著成成走)

阿心： 嘩，你就好啦。娜姐送禮物俾你呀。

嘉盈： 車！你日日借功課俾佢抄，佢都送俾你架。

阿心： 佢點會抄我嗰份呀！你全級考第一，佢點可以無咗你呀！（嘉盈打開盒）嘩，隻錶好靚呀。

嘉盈： O K 啦。

阿心： (擺出嚟睇)你就好啦，成績又好，又受歡迎，我都好想好似你咁叻呀！

嘉盈： 你鐘意，送俾你呀。

阿心： (還嘉盈)你份生日禮物嚟喇。我呢世都唔會收到呢啲咁貴重嘅禮物。

嘉盈： 阿心，你又無端端係度玩自卑！我另外送份禮物俾你！

阿心： 係咩呀？

嘉盈： 就係，「我」呢個咁「叻」既人做你好朋友囉！(做鬼臉，大笑)

阿心： (笑，作勢要打他)自大狂！（認真地）其實...我真係好無用。

嘉盈： 唔準咁諗。

阿心： 我真係好想做番 D 嘢！

嘉盈： 支持你！

阿心： 真係？

嘉盈： 係。

阿心： 其實今次我真係好需要你支持架！我想、我想.....

嘉盈： (鼓勵)你想...

阿心： 我想...(深呼吸)好想...(欲言又止)

嘉盈： (不耐煩)想乜腳？你講啦！

阿心： 哎吔！都係算啦！根本就無可能！

嘉盈： 阿心啊！你永遠將啲嘢擺係個心度，我係唔會知架。你試吓講出嚟啦。

(軒從後出現)

阿軒： 學生會選舉呀！

嘉盈： 你想參加學生會選舉？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

阿軒： 我尋日見佢企咗係張宣傳海報度發晒咗豆咁，就知佢想參加啦！申請表都幫你擺埋啦。

阿心： 諗吓咋嘛。學生會選舉嘞，邊有咁易組齊一隊人。

嘉盈： 嘩！有幾難啫，我一定可以幫你搵齊一隊人。

阿軒： (不屑)嘩！懶巴閉！我夠得啦。阿心，你參加我第一個撐你！

嘉盈： 我先至係第一個呀。

阿軒： 你極其量係第二個咋！

阿心： 喂！你地唔好拗啦！總之.....好多謝你地呀！

(娜姐行過, 女同學跟著出)

娜姐： 阿盈，Thank you！抄咗八成咋。

嘉盈： 娜姐，有嘢想搵你幫手。

娜姐： 講嚟聽吓。

嘉盈： 我地諗住組隊參加學生會選舉，想搵你一齊玩吖！

娜姐： 無問題呀。

阿心： (開心) 真架！

娜姐： (向嘉盈) 阿盈你做主席，我做副主席，咁就天下無敵啦！

(女同學們起哄歡呼)

阿軒： 喂，我哋未定崗位架。

阿心： (按著琪) 崗位嘅嘢，可以慢慢傾既...

嘉盈： 係啦，不如我哋 lunch time 嗰陣再傾。

娜姐： 放學之後，直接去 Daddy 間 café 一邊食，一邊傾啦。

嘉盈： 去你 Daddy 間新店？唔好阻你哋做生意啦。

娜姐： 我哋係一 team 人架嘛，得啦，我請。順便慶祝我哋組隊成功。一陣 4 點 café 等。

女同學們： 成成，我都想參加呀！ / 係呀，我都好想做學生會架！

娜姐： OK，一齊參加。

女同學們： 好嘢！

娜姐： 全部人，一陣，4 點見。

(娜姐及女同學們走)

阿軒： 喂，嗰班人唔識架嘞。我哋都有話俾佢哋參加。你個 Friend 當正自己係話事人呀？

嘉盈： 但係有成成嘍度，一定好多同學投我哋一票。

阿心： 唔緊要啦，我最緊要嘅係，有你哋兩個一齊陪住我，咁就得喇。多謝你哋。

阿軒： 放心，我點都會撐你！

嘉盈： 我夠會啦！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

嘉盈： 快啲上堂喇。

(燈暗)

(開大幕)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場

(課室)

(阿軒帶 2 個同學入)

阿軒： (向同學介紹) 我地就係係呢度開會架喇。(向心)阿心，我帶咗 2 個同學嚟一齊參加。呢個係阿耀，呢個係小好。

阿心： 你地好，我係陳慰心。多謝你地幫手呀！希望你地係學生會玩得開心。

(看到白板上貼著的 logo 畫)

耀： 嘩，呢個 logo 畫得好靚呀，邊個畫架？

阿心： 我畫架。

小好： 你畫架？畫咗幾耐呀？

阿心： 畫咗成晚。

耀： 嘩！你好勁呀。

阿心： 多謝。

小好： 我地而家係咪開會喇？

阿心： 仲爭幾個人未到，等埋佢地就得架喇。

阿軒： 佢地不鏟都遲到架啦！我以我先搵你地 2 個之嘛。

耀： 放心啦！我地一定會幫到手。

小好： 係呀！我地一定會做到嘢架。係呢，我地而家有咩可以幫到手架？

阿心： 小好，你幫我寫會議紀錄，耀，你就幫我寫低議程係白板吖。

(娜姐和嘉盈及眾同學入，娜姐和嘉盈正在談論設計)

娜姐： 嘩！呢個 logo，我真係覺得好靚。你地話係嘛？

Jasmine： 娜姐親手畫嘅，一定最靚。

Carman： 呢個 logo，一個字，靚！

彤： 呢個簡直係印象派嘅典範。

娜姐： 呢個可以話係我人生中最滿意嘅作品。

阿軒： 喂，而家幾點？

嘉盈： 對唔住呀，頭先同娜姐喺 Art Room 畫緊個 logo，所以遲左。

阿軒： 佢畫？

娜姐： 唔得呀？

(二人吵起來)

嘉盈： 不如我哋開會先呀。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

娜姐： 好呀！開會先囉！

阿軒： 好呀！開會。

嘉盈： 阿心，今次個會交俾你喇。加油！

阿心： 加油！

娜姐： (望耀、小好)呢 2 個乜水嚟架？

阿心： 佢地係我地新加入既成員，呢個係阿耀，呢個係小好。

嘉盈： (鼓掌)歡迎你地加入，咁我地而家開會吖。

阿心： 我地今日主要係傾設計 Logo，政綱同埋宣傳方法。我尋晚都畫左個 LOGO 設計圖，大家俾 D 意見吖？

娜姐： 唔駛啦，用我嗰個！好，落下一個議程。

阿軒： 喂，而家唔係你最大架。

星星： 娜姐係未來副會長，你呢啲做康樂嘅，收聲啦。

盈黨： 收聲啦！

嘉盈： 開會就係要有商有量嘅。不如大家一齊投票，公平的。

娜姐： OK！未來會長話事。

嘉盈： 呢張係娜姐。呢張係阿心嘅。

Carman： (看著心的設計) 嘩！OK 啲。

(其他同學望住 Carman)

Carman： ...OK 啦！但唔及娜姐嗰張囉。

Jasmine： 我哋投娜姐。

娜姐： 連埋我，4 票。

阿軒： 我地投阿心。

耀、小好： 我哋都投阿心。

阿軒： 連埋阿心，4 票。

娜姐： 得啦，你 4 票，我 4 票，就用我嗰張啦。

阿軒： 點解呀？

娜姐： 嘉盈實投我架，咁我咪 5 票囉！

阿軒： 佢都無舉手，點會係投你呀？

娜姐： 嘉盈，你投邊張呀！

阿軒： 嘉盈，你投邊張！

嘉盈： 我.....

阿心： 嘉盈，你想揀邊張就邊張。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

嘉盈： 我投.....棄權票...

娜姐： 嘉盈，你講多次？

嘉盈： 即係...我覺得兩張都咁靚，唔知揀邊張好，所以就.....

阿心： 唔緊要啦，就用娜姐嗰個張啦。

阿軒： 唔緊要？

阿心： 真係唔緊要。

嘉盈： sorry 阿心。

阿心： 唔緊要啦。我哋傾吓政綱，我有一個諗法。我哋可以幫同學爭取，限制所有科目夾埋，每星期只可以比 3 次功課。

嘉盈： 三次？

阿軒： OK 額！

嘉盈： 功課係為咗鞏固知識，我覺得學校唔會咁輕易答應。

娜姐： 係囉，可行性咁低，講嚟都無用啦！諗嘢都唔經大腦。

三手下： 都唔經大腦既。

阿軒： 你講咩唔經大腦呀！

(兩黨人對峙)

嘉盈： (搶出來)不如咁呀。我地改為爭取當 DAY1 氣溫超過 30 度，就取消操場集隊吖。大家覺得點？

Carmen： 好啱，操場早會我真係差 D 曬到暈呀。

Jasmine： 呢個我都贊成，而家成日都酷熱天氣警告，操場集隊真係好易中暑。

娜姐： 嘉盈嘅 idea 咪有用囉。我贊成。

三手下： 我都贊成。

小好、耀： 我地都贊成。

嘉盈： 阿心，你呢？

阿心： (沉默一會)我都贊成。

娜姐： OK！嘩嗱聲傾埋宣傳手法啦。嘉盈，你上次啱咪話，喺個韓國網站見到 D 材料，可以訂返嚟整啲小飾物俾同學呀？

嘉盈： 係呀，我覺得親手整，佢哋會感覺到我哋嘅誠意。

阿心： 韓國貨，會唔會好貴呀？

嘉盈： 我搵到嗰間好平。

阿軒： 派全校啲，平極個數都唔細啦。

娜姐： 錢啫，有咩我包底囉。解決。阿盈，去食 Tea 喇。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

阿心： 如果要佢哋感覺到我們嘅誠意，我認為我哋可以演奏樂器，話比人知我哋多才多藝。

嘉盈： 但係我哋都唔多人識玩樂器。

阿心： 唔識咪學囉！

嘉盈： 樂器唔係一時三刻學到架！

(三手下取笑心)

(心低下頭，深呼吸)

阿軒： 嘉盈，你咩都唔贊成，你係咪想幫阿心架？

嘉盈： 我而家咪幫緊佢囉。

阿軒： 你 ban 緊佢呀。你唔信佢就唔信佢啦。

嘉盈： 我唔信佢，就唔會同佢一齊選學生會啦。

阿軒： 但係而家係你做咗主席囉。

娜姐： (指著心) 佢唔係諗住做主席呀嘛，佢做，我唔玩架。

三手下： 佢做我都唔玩啦。

阿軒： 好呀！既然大家立場同理念都唔同，咁拆夥囉！你有你做，我哋有我哋做！

娜姐： 一早就應該咁做啦。嗱晒 D 時間喺度開會。

三手下： 嗱時間！

嘉盈： 唔得！唔可以拆夥！我話咗要幫阿心架！阿心呀！你講句嘢啦！

彤： 係啦，你講句野啦，你啞架？

阿軒： 你話邊個啞呀！

Jasmine： 唔講野個個囉。(拉心)

阿軒： 你想點呀！

(大家嘈起嚟)

阿心： 夠啦，你哋唔好再嘈！阿軒講得啱，我哋再咁拗落去都無意思！我哋拆夥啦。

嘉盈： 阿心呀。

阿心： 我哋，拆夥。

(燈暗) (關大幕)